



Na osnovu člana 47. Zakona o državnoj službi u Unsko – sanskom kantonu („Službeni glasnik Unsko-sanskog kantona“, broj: 14/17,15/20,27/25), u vezi sa članom 74a. Zakona o državnoj službi u Federaciji BiH („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16), a u skladu sa članom 3. Pravilnika o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu („Službeni glasnik Unsko-sanskog kantona“, broj: 23/17), Agencija za državnu službu Federacije Bosne i Hercegovine, na zahtjev Općinskog suda u Bosanskoj Krupi, objavljuje

JAVNI KONKURS **za prijem pripravnika - volontera u** **Općinskom sudu u Bosanskoj Krupi**

I PRIPRAVNICI – VOLONTERI

01. Pripravnik – volonter sa diplomom visokog obrazovanja – VII stepen pravne struke ili sa diplomom visokog obrazovanja prvog (240 ECTS bodova), drugog ili trećeg ciklusa Bolonjskog sistema studiranja – pravne struke – 2 (dva) izvršioca

II USLOVI ZA PRIJAVU

Opći uslovi:

Kandidati moraju ispunjavati opće uslove iz člana 35. Zakona o državnoj službu u Unsko-sanskom kantonu (u daljem tekstu: Zakon):

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uslovi za njihovo obavljanje u organima državne službe u Unsko-sanskom kantonu;
4. da je zdravstveno sposoban za obavljanje poslova utvrđenih za to radno mjesto;
5. da u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini;



6. da nije obuhvaćeno odredbom člana IX.1. Ustava Bosne i Hercegovine;
7. da se protiv njega ne vodi krivični postupak.

Posebni uslovi:

Pored općih uslova navedenih u javnom konkursu, kandidati moraju ispunjavati i sljedeće posebne uslove, i to:

Pozicija 01:

- VSS/VII stepen – pravne struke ili prvi (240 ECTS bodova), drugi ili treći ciklus Bolonjskog sistema studiranja – pravne struke
- da nema ostvareno radno iskustvo, odnosno radni staž u struci od 1 (jedne) godine ili više, nakon sticanja visoke stručne spreme, odnosno visokog obrazovanja

Napomena: Stručno osposobljavanje pripravnika-volontera traje 2 (dvije) godine. Izbor i prijem pripravnika-volontera će se izvršiti na osnovu jedinstvenih kriterija utvrđenih Pravilnikom o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu („Službeni glasnik Unsko-sanskog kantona“, broj: 23/17). Lice koje nakon stečene visoke stručne spreme ima ostvaren radni staž u struci ili radno iskustvo u struci stečeno volontiranjem od jedne godine ili više, ne može se primati na stručno osposobljavanje kao pripravnik-volonter u skladu sa odredbama Pravilnika.

III PRIJAVA NA JAVNI KONKURS

Prijavu na javni konkurs kandidati podnose:

- **Putem pošte** – dostavljanjem uredno popunjenog i potpisanog prijavnog obrasca Agencije za državnu službu Federacije BiH za pripravnike koji se može se preuzeti u Službi za postavljenja u organima državne službe u Unsko – sanskom kantonu, ul. Kralja Tvrtka 3, Bihać, ili na web stranici Agencije <https://ekonkurs.adsfbih.gov.ba> **sa originalima ili ovjerenim kopijama sljedeće dokumentacije:**
 - a) fakultetska diploma (nostrificirana diploma, ukoliko diploma nije stečena u BiH ili je diploma stečena u nekoj od država nastalih raspadom SFRJ nakon 06.04.1992. godine),
 - b) uvjerenje fakulteta o prosjeku ocjena nakon završenog studija,
 - c) uvjerenje Zavoda za zapošljavanje o dužini trajanja nezaposlenosti nakon sticanja diplome VSS/VII stepena stručne spreme ili prvog, drugog ili trećeg ciklusa visokog obrazovanja Bolonjskog sistema studiranja (ukoliko se kandidat nalazi na evidenciji Zavoda),
 - d) ovjerena izjava data pod punom moralnom, materijalnom i krivičnom odgovornošću da kandidat nema ostvareno radno iskustvo, odnosno radni staž u struci od 1

(jedne) godine ili više, nakon sticanja visoke stručne spreme, odnosno visokog obrazovanja,

- e) rješenje o utvrđenom stepenu invalidnosti (ukoliko je kod kandidata utvrđen stepen invalidnosti 60% i više),

IV VAŽNE UPUTE KANDIDATIMA

1. Prijava dobija šifru pod kojom podnosilac prijave učestvuje u izbornom postupku. O dodijeljenoj šifri podnosilac prijave će biti obaviješten naknadno, putem adrese e-pošte navedene u prijavnom obrascu.
2. Kandidati u javnom konkursu moraju ispunjavati uslove javnog konkursa sa danom njegove objave na službenoj web stranici Agencije za državnu službu Federacije BiH.
3. Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbačene kao neuredne.
4. Kandidati koji imaju završen II ili III ciklus Bolonjskog sistema studiranja, dužni su dostaviti i diplomu o završenom I ciklusu Bolonjskog sistema studiranja.
5. Agencija može u svakoj fazi konkursne procedure zatražiti od kandidata na uvid originale priloženih ovjerenih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.
6. Dokumente kojima dokazuje ispunjavanje općih uslova konkursa, izabrani kandidati će dostaviti Općinskom sudu u Bosanskoj Krupi, u roku od 7 (sedam) dana od dana prijema obavještenja o rezultatima konkursa.
7. Kandidat koji u bilo čemu ne postupi po navodima javnog konkursa bit će isključen iz konkursne procedure, bez mogućnosti ponavljanja propuštene radnje.

V ROK ZA PODNOŠENJE PRIJAVE

Rok za podnošenje prijave sa traženom dokumentacijom je 8 (osam) dana od dana objave javnog konkursa na službenoj web stranici Agencije za državnu službu Federacije BiH <https://ekonkurs.adsfbih.gov.ba>.

Neblagovremene, nepotpune i neuredne prijave bit će odbačene.

Prijava dostavljena putem pošte, smatra se blagovremenom ako je poslana preporučeno najkasnije posljednjeg dana roka predviđenog za podnošenje prijave, na adresu:

Agencija za državnu službu Federacije BiH
Služba za postavljenja u organima državne službe u Unsko – sanskom kantonu
Kralja Tvrtka br.3, 77000 Bihać

sa naznakom:

“Javni konkurs za prijem pripravnika-volontera u
Općinskom sudu u Bosanskoj Krupi“
sa pozivom na broj: 13-30-8-57/26

DIREKTOR

Refik Begić, magistar uprave